




INTRODUCTION  
DE LA  
ROYALTE  
A  
ABBEVILLE


3524













GLOSS

R.744







# Entrée de la Royne à Ableville.



## L'entree de la Royne a bleuille

Monseigneur pource que ie scay que apetez a sauoir des nouuelles Je vous ay voulu rescripre lordre de l'entree de La royne en ceste ville/bien triũphante et sumptueuse a merueilles

**P**remierement tous les archiers de la garde tãt escollois que francoys/tous bien montez. Les canõniers z archiers de ceste ville marchãs apres/estoiẽt tous a pied. Et apres eulx estoient les arbalestriers de ladicte ville a cheual. En apres marchoit monseigneur le preuost de l'hostel et ses archiers. Monseigneur le grant seneschal de normãdie et aucuns des cent gentilz hommes de sa compaignie.

Après marchoit yng 'palge' d'honneur anglois monte sur yng grant cheual en barnache de drap dor et veloux cramoyssi et satin broche dor a la mode du pays. Et apres marchoient plusieurs gentilz hõmes et seigneurs du pays dangleterre en grant nombre bien acoustrez tant de draps dor/veloux cramoyssi satin broche dor z cramoyssis/q plusieurs autres draps de soye. Et avec eulx marchoiẽt plusieurs gentilz hõmes de la maison du roy. Et apres y auoit huit trompettes dangleterre vestus de damas cramoyssi. Et a-

pres marchoit encozes plusieurs gentils homes de la maison du roy / les trompettes / clerons / haulboys et busines du roy marchoient aussi apres / lesquels il faisoit bon ouyr a merueilles.

¶ Puis apres merchoient douze heraulx tant de france que dangleterre Et les troys embassadeurs dangleterre qui ont este a paris / et les conduisoient messeigneurs de lentrech / de guyse z damiens.

Et apres lesditz embassadeurs marchoit messeigneur dаланcon vestu dung saye de drap dor couuert de veloux cramoyssi decoupe et monte sur vng genet despaigne. Et apres mondit seigneur dаланcon marchoit messieurs les cardinaulx de prie z daux et plusieurs archeuesques et euesques.

Après toute laquelle cōpaigñie marchoit la royne vestue de damas blac a bades de drap dor qui estoit drapée de plusieurs belles pierres / et estoit acoustrée a la mode dangleterre / et estoit montee sur vne belle haquenée blanche qui auoit vng harnoyz dor frise bien riche. Et sur elle auoit vng ciel de damas blac seme de porcz espicz et roses de broderie / et le portoit quatre hommes a pied. Et la conduisoit messieur hors ledit poile / vestu dung saye a cheuaucher de drap dor et de drap dargent myparty / couuert de

damas blanc eschiquete fort menu/et monte sur vne  
mulle bien richement, parée.

Après la royne marchoit sa litiere d'honneur tou  
te semée de fleurs de lys dor de broderie enleuees/2  
la menioient deux petis paiges d'honneur vestuz de ve  
loux aussi seme de fleurs de lys dor/ et estoit ladicte  
litierre fort belle 2 riche. Puis marchoit ma dame de  
longueuille et ma dame daumont .

En apres y auoit quatre ou cinq chariotz bran  
lans/couuers tant de drap dor/ veloux cramoyssi/ que  
autres couuertes belles et riches

Et environ de quarate a cinquante damoiselles  
toutes bien richement acoustrees/ tant dedas les cha  
riotz branlans que sur hacquenees.

Et entre autres y en auoit vne acoustree a lala  
mande/ ayant vng bonnet de veloux en sa teste/ laquel  
le estoit bien belle et auoit tresbonne grace. et la fai  
soit tresbon veoir.

Et apres y auoit deux compaignies danglois  
lesvngz vestuz de drap rouge a bades de veloux noir  
et les autres de tane portans tous iavelines

Notre sire le roy alla aux champs au deuant de  
de la Royne enuiron vne lieue / acoustre d'ung saye  
de veloux cramoyssi a hault collet z poinctes de drap  
dor frise. mote sur vug cheual despaigne appelle faul  
ue / aultrement dit saige / faisant plusieurs saulx et pa  
nades / et le faisoit tres bon veoir. Et quant il approu  
cha de la Royne elle se ingera de descendre a pied  
pour luy faire la reuerce. Mais le roy ne voulut pas  
et la vint embrasser et baïser tout a cheual.

Puis il donna des esperons a son cheual et luy  
fist faire trois ou quatre saulx. et puis sen retourna. et  
nentra point ledit seigneur dedans la ville ne a aller  
ne au retourner / mais alla le long des murailles. Et  
il fut de retour il renuoya le cheual sur quoy il estoit  
monte au deuant de la Royne iusques a la porte par  
monseigneur le grant escuier lequel marchoyt deuant  
la royne avec le grant escuyer d'angleterre qui estoit  
bien richement acoustre.

Monseigneur ce iour duy matin ledit seigneur et la  
dicte dame ont este espousez en la chapelle de l'hostel  
dicelluy seigneur par monseigneur le cardinal de prie  
Et tenoient le poisse monseigneur / et monseigneur da  
lancô. Et estoit le roy vestu d'une robe dor traict four

ree de martres ayant son ordre au col/et tous les pri  
ces et seigneurs de france bien acoustrez.

Et la royne estoit vestue d'ung drap dor frise/ et  
estoit tresriche et beau. Et estoit ladicte robe fourree  
dermines. Et quant elle est venue de son logis au lo  
gis du roy il la faisoit bon veoir. Car elle estoit sur sa  
bacquenee/et pareillement tous lesdictz seigneurs d'a  
ngleterre aussi a cheual/ tous tresrichement acoustrez  
tant d'abit/ chesnes/ bagues/ pierreries/ que aultres  
toyaulx. Et quant elle est entree dedans le logis du  
Roy elle sest mise a pied/ pareillement tous lesdictz  
seigneurs et damoyelles

Et la estoient les deux cens gentilz hommes de  
la maison du roy tous en ordre/ tenant chascun en sa  
main vne ache d'armes. Pareillement tous les archi  
ers de la garde. Et est passee ladicte dame au milieu  
desdictz gentilz hommes et archiers. Et la menoiēt  
monseigneur le duc de morfort z vng aultre prince  
d'angleterre dont ie ne scay le nom. lesquelz l'ont pre  
sentee au Roy. Et apres que la messe a este dicte le  
roy sen est alle disigner d'ung coste et a mene ma dame  
de longue ville derriere luy sur sa mulle qui a disne  
avec luy. Et la royne d'aultre coste. Et pendant que  
on les seruoit les trôpettes et clarons/ haultboys/ bu-



pa fines et aultres instrumens tant de france que d'ngle  
terre iouoyent lesquelz il faisoit tresbon onyr. Et nest  
a present question que de faire bonne chere.

et  
ree  
lo  
sa  
dā  
rez  
res  
du  
cz

Unq peu deuant le soupper la royne a este acou-  
stree a la mode de france. laquelle il faisoit meilleur  
veoir que a la mode d'angleterre. A ableuille le. ix.  
Jour Doctobre.

De par le preuost de paris

de  
sa  
bi  
eu  
iēt  
ce  
ae=  
le  
ne  
ne  
ue  
y=

**C** Il est permis a Guillaume mart  
libraire De pouoir faire imprimer & vendre  
l'entree de la Royne a ableuille cy dessus es-  
cripte. Et deffences a tous autres libraires  
et imprimeurs de nen imprimer ne bēdre ius-  
ques a huyt iours passez Sur peine de confi-  
scation desditz liures. fait soubz nostre si-  
gnet le. xxv. iour Doctobre. Lan mil. v. cēs  
vi. iiii. Ainsi signe Almaury.



